



BILTEN

br. 12

April 2015.

Džumade-l-uhra / Redžeb 1436.h.g.

Poslanik Muhamed, s.a.v.s., je rekao: „Opravljajte hadž i umru, jer vam oni odstranjuju siromaštvo i grijeh, kao što kovački miješ odstranjuje u kovačnici trosku rude željeza, zlata i srebra. Za hadždž primljen kod Allaha nema druge nagrade osim dženneta“.



Iz Švedske na hadž sa IZBUŠ-om

.....
Prijava za odlazak
na hadž iz
Švedske do
15.05.2015.god.

GOSTI PREDAVAČI U ŠVEDSKOJ U MJESECU MAJU!

hfz. dr. Kenan ef. Musić

hfz. mr. Sulejman ef. Bugari

Više informacija saznajte u ovom broju Biltena!

SADRŽAJ

- Impresum
- Uvodnik za 12. broj

Aktivnosti IZBUŠ-a

- U Halmstadu održana sjednica Izvršnog odbora IZB u Švedskoj
- Prijava za odlazak na hadž iz Švedske

Bemuf

- Ljetni susret omladine 2015

Džematske aktivnosti

- Borås: Pred kupovinom zemljišta za izgradnju džematskog objekta
- Stockholm: Aktivnosti u toku mjeseca
- Halmstad: Druženje i predavanje
- Norrköping: Gost džemata i predavanje
- BKC Västra Götaland: Seminari za žene
- Hutba: Peta islamska dužnost

POZIV NA SARADNJU

Oglasite se i Vi u Biltenu IZB u Švedskoj!
Javite nam se sa vašim tekstom,
prijedlogom, primjedbom i sugestijom.
e-mail: bilten@izb.se
www.izb.se



BILTEN

Informativno glasilo

Islamske zajednice Bošnjaka u
Švedskoj

GLAVNI UREDNIK

Idriz-ef. Karaman
glavni imam

IZVRŠNI UREDNIK

Almedin-ef. Spahić

REDAKCIJA:

Savjet glavnog imama:
Nezir-ef. Špiodić
Smajo-ef. Šahat
Elvedin-ef. Bešlija

SARADNICI U OVOM BROJU:

Jasmin Dervišević, sekretar
Merzuk-ef. Hadžirušidović, Stockholm
hfz. Jusuf ef. Horozović, Norrköping
Zinajda Batić, Skövde

Uvodnik za 12. broj Biltena IZB u Švedskoj

U suri Ali-Imran, 104. ajet, Allah, dž.š., kaže:

„I neka među vama bude onih koji će pozivati na dobro i naređivati doborčinstvo, a od zla odvrćati, - oni će šta žele postići.“

Muhamed, a.s., je rekao:

„Ko od vas vidi neko zlo, neka ga otkloni rukom (silom). Ako ne mogne, neka ga otkloni jezikom (riječju). A, ako ni to ne mogne, neka ga otkloni (osudi) srcem, s tim da je to znak najslabije vjere“

Nedavno je u Travniku održano Savjetovanje sa glavnim imamima Islamske zajednice iz Bosne i Hercegovine i bošnjačke dijasporu. Podnešeno je nekoliko izvanrednih referata, ali je najviše pažnje privuklo obraćanje reisu-l-uleme Husein-ef. Kavazovića.

Iz tog izlaganja izdvajamo poruku imamima da u ovim teškim vremenima nikad ne zaboravljaju važnost svog pozvanja i zadatka koji im je povjeren.

Reisu-l-ulema je još rekao da je Bosnu i Hercegovinu uvijek čuvala njena ulema. Ubijeđen da i danas Islamska zajednica ima veliki broj alima, pozvao ih je da pravilno odgovore različitim utjecajima izvan Islamske zajednice, a džematlije da imaju povjerenje i slušaju svoju ulemu.

Ove riječi reisu-l-uleme posebno dobijaju na značaju nakon nemilog događaja u Zvorniku, koji se desio tek koji dan poslije.

Nažalost, ovdje u Švedskoj naši ljudi, posebno omladina, izloženi su još većim utjecajima i zbog toga ove riječi reisu-l-uleme treba prihvatiti još ozbiljnije.



Idriz-ef. Karaman
glavni imam

Idriz-ef. Karaman

www.izb.se

U Halmstadu održana sjednica Izvršnog odbora Islamske zajednice Bošnjaka u Švedskoj

U subotu, 2. maja 2015. godine, u Halmstadu je održana sjednica Izvršnog odbora Islamske zajednice Bošnjaka u Švedskoj, kojoj su, pored redovnih članova, prisustvovali i novoizabrani rezervni članovi Izvršnog odbora.

Na sjednici su podnešeni izvještaji za protekli period, te analizirani zaključci sa Skupštine IZBUŠ. Na osnovu odluke sa Skupštine, Izvršni odbor je usvojio izmjene i dopune Poslovnika o radu Izvršnog odbora.

Izvršni odbor je, također, donio odluku da se Savjetovanje sa predstavnicima džemata održi 5. septembra, a Jubilej 20 godina IZBUŠ u oktobru 2015. godine. Za pripremu ovih aktivnosti određene su radne grupe.

Nakon sjednice održan je zajednički sastanak sa Izvršnim odborom džemata Halmstad, na kom je data podrška novoizabranom rukovodstvu džemata, te diskutirano o pitanjima od važnosti za unaprjeđenje rada. Izvršni odbor IZBUŠ je zahvalio domaćinu za gostoprimstvo i pohvalio imama džemata Almedin-ef. Spahića za njegov veoma široki angažman, a posebno za uređivanje Biltena IZBUŠ.

I.K.



Prijava za odlazak na hadž iz Švedske

Ovim obavještvom zainteresirane kandidate za hadž da Islamska zajednica Bošnjaka u Švedskoj i ove godine organizira odlazak na hadž.

Trenutno se pregovara sa ovlaštenim agencijama i čim se postigne dogovor, zainteresirani će, ako Bog da, biti obaviješteni.

Preliminarni polazak na hadž je sredinom mjeseca septembra, a dužina boravka oko tri sedmice.

Za dobijanje vize potrebno je pribaviti sljedeće dokumente:

1. Pasoš koji važi još najmanje 6 mjeseci. Ukoliko pasoš nije švedski, potrebna je boravišna dozvola koja, također, važi još najmanje 6 mjeseci.
2. Personbevis
3. Četiri fotografije pasoškog formata sa svijetlom pozadinom
4. Žuti karton za vakcinu protiv meningitisa
5. Popunjen i potpisan formular za prijavu za hadž

Za žene mlađe od 45 godine, ukoliko im je mahrem (pratilac) muž, potrebno je dostaviti vjenčani list na engleskom jeziku, a ako je mahrem otac, brat ili sin, personbevis na engleskom jeziku koji potvrđuje rodbinsku vezu.

Formular prijave za hadž i kopiju pasoša treba dostaviti glavnom imamu najkasnije do **15. 05. 2015.** na adresu:

**BIF
Box 8120
200 41 Malmö**

Napomena:

**Uz prijavu za hadž obavezno je odmah uplatiti akontaciju u visini od 10 000 kruna.
(Uplate se vrše na P.G. broj: 73 88 14 – 3)**

Nakon što Islamska zajednica Bošnjaka u Švedskoj potpiše ugovor sa ovlaštenom agencijom, svi prijavljeni kandidati bit će obaviješteni o cijeni i drugim pojedinostima oko odlaska na hadž. Očekujemo da neće biti nekih većih promjena u odnosu na prošlu godinu. (Prošlogodišnja cijena bila je 41 000 kruna).

Napominjemo, također, da je broj mjesta i ove godine ograničen i da prednost imaju oni kandidati koji se prvi prijave.

Osim toga, odlukom Ministarstva za hadž Saudijske Arabije, na hadž ne mogu putovati hadžije koji su hadž obavili u posljednjih 5 godina.

Kontakt telefon za dodatne informacije: **0707 300246**





Zovem se Ermina Imamović i imam 23 godine. Ima više od 6 godina od kako sam počela da prisustvujem omladinskim iftarima Bemufa. To vrijeme će mi uvijek

ostati u lijepom sjećanju, jer do tada nisam poznavala mnogo muslimana. Tamo sam upoznala omladinu sličnu sebi, uz koju sam počela da više upoznajem i svoju vjeru. U Odboru Bemufa sam od ove godine.

Smatram da su ljetni susreti jako važni za muslimansku omladinu u Švedskoj, jer je to skoro pa jedini živi forum u Švedskoj gdje se muslimanska bošnjačka omladina okuplja i zajedno druži i uči o vjeri. Bitno je imati mjesto i priliku gdje će se omladina osjećati dobrodošla, otvoreno postavljati pitanja, biti ponosna na to što su muslimani u Švedskoj, a pogotovo u današnjem društvu gdje iz dana u dan postaje sve teže očuvati svoju vjeru.

Nadam se da će nam ovaj Susret biti hairli, da se okupimo u što većem broju i da se međusobno upoznajemo i učimo o našoj vjeri. Nadam se da će se svima svidjeti naše planirane aktivnosti i da će nam htjeti dolaziti na ovakva i slična druženja i u budućnosti ako Bog da, kako bi postali brojniji, uspješniji i bolji!

Ljetni susret 2015

Bemuf poziva omladinu starosne dobi 13-27 godina na Ljetni susret!

Datum: 5-7 juni 2015

Mjesto: KFUM Sparreviken, Ljungskile

Prijave se moraju dostaviti najkasnije do 15. maja na: iman.eneim@bemuf.org



Bemuf

UČLANI SE I DJELUJ



www.bemuf.org
www.bemuf.org



Zovem se Edina Okanović i imam 24 godine. Živim u Gislavedu. Član sam Bemufa od 2010. godine, također član sam Odbora Bemufa od 2015. godine. U Bemufu sam zato što smatram da je ova organizacija jako bitna za muslimansku omladinu. Kroz ovu organizaciju mi se borimo za očuvanje naše vjere, porijekla i jezika.

Ljetni susret smo planirali održati u odmaralištu Sparreviken. Tu ćemo imati razne sportske aktivnosti, predavanja i druženja.

Jedna od predavača ove godine je i Shatila Salami, žena koja radi kao vatrogasac u Malmöu. Želimo da upoznamo njenu životnu priču o tome kako je jedna pokrivena muslimanka uspjela u takozvanom "muškom poslu". Mislim da ovakva životna priča jedne uspješne muslimanke može pozitivno utjecati na našu omladinu, a ostali predavači neka budu iznenađenje za učesnike Susreta.

Smatram da su ljetni susreti veoma važni zbog toga što okupljaju našu omladinu iz cijele Švedske na jednom mjestu gdje im se pruža prilika da se upoznaju, razmjenjuju iskustva, prakticiraju vjeru i svaki put nešto novo nauče.

Ljetni susret 2015

Bemuf poziva omladinu starosne dobi 13-27 godina na Ljetni susret!

Datum: 5-7 juni 2015

Mjesto: KFUM Sparreviken, Ljungskile

Prijave se moraju dostaviti najkasnije do 15. maja na: iman.eneim@bemuf.org



Bemuf

**UČLANI
SE I
DJELUJ**



www.bemuf.org
www.bemuf.org

Džemat Borås: Pred kupovinom zemljišta za izgradnju džematskog vakufskog objekta

Bosanska islamska zajednica Borås je jedan od 26 džemata koji djeluju u okviru Islamske zajednice Bošnjaka u Švedskoj. Kao i u većini naših džemata dugo vremena se razmišlja o rješenju pitanja vlastitih prostorija. Intenzivniji koraci na realizaciji ovoga projekta započeti su od 2011. godine, kada je osnovan Vakuf fond. Ubrzo nakon toga predat je zahtjev Komuni Borås za dodjelu zemljišta za gradnju objekta. Krajem prošle godine Komuna nam je ponudila zemljište koje ispunjava naše zahtjeve. Cijena zemljišta je 1 620 000 sek, a njegova površina je 3 600 kvadratnih metara. Na vandrednoj skupštini održanoj 29. marta 2015. godine jednoglasno je donešena odluka o kupovini zemljišta i gradnji objekta.

Ovom prilikom pozivamo našu braću i sestre da svojim priložima pomognu realizaciju još jednog vakufa u našoj Islamskoj zajednici.

Vaša sredstva možete uplatiti na broj PG 368557-5 (Bosnisk Islamiska Församlingen) sa naznakom za "Vakuf fond"

Učešće u projektu možete uzeti i putem sms donacije. Više informacija na Facebook stranici džemata, džemat Boras.

**VAKUF-NEIZBRISIVI TRAG NAŠEG ŽIVOTA I POSTOJANJA
NE PROPUSTI PRLIKU, BUDI VAKIF UGRADI SEBE U VJEČNO DOBRO!**



Džemat Štokholm: Aktivnosti u toku mjeseca aprila

U petak, 03.04.2015. / 14. džumadel-uhra 1436. na džumi namazu bili smo počašćeni posjetom musafira iz BiH dr Zuhdije ef. Adilovića, dekana Islamskog pedagoškog fakulteta u Zenici. Ovaj vrli bosanski alim je predvodio džumu namaz, i održao hutbu na temu aktuelne problematike islamskog svijeta te potrebe jačanja džemata i Zajednice. Također je našao za shodno da dodatno provede vrijeme sa našim džematlijama na posijelu i druženju između akšama i jacieje.

Slijedeću hutbu (10.april / 21.džumadel-uhra) je održao i džumu namaz predvodio Hamdija ef. Nesimović, sekretar Islamskog pedagoškog fakulteta u Bijaću. Ovaj musafir se sa džematlijama družio i navečer na posijelu između akšama i jacieje, te progovorio nešto više o važnosti Islamskog obrazovanja u tom pedagoškom obrazovnom segmentu.

19.aprila polaznici džematskog mekteba sa roditeljima su imali izlet u Fitju, obilazak turske džamije. Nakon obilaska džamijskih prostorija, kraćeg upoznavanja sa historijatom džamije, obavljen je i podne-namaz u džematu. Prema preporuci domaćina podne-namaz je predvodio Merzuk ef. Hadžirušić, mujezinio je svojim lijepim glasom Ibrahim ef. Šetkić a ašere poslije namaza je proučio Mustafa ef. Alić. Poslije toga upriličena je posjeta našoj domaćoj burekdžinici u Fitji (kod T-bane), gdje je vlasnik Mustafa počastio djecu piticama.

Povodom Lejle-i-regaiba, koja se u našoj tradiciji obilježava u prvoj noći na petak mjeseca Redžeba, u našoj džamiji 23.aprila su se okupile džematlije, i pratile učenje Jasin-i-šerifa pred dušu merhuma džemata kao i predavanje o vrijednostima svetog mjeseca Redžeba.

U ovom mjesecu naša džamija je postala bogatija i za poseban (prilagođen standardima ove države) tepison koji je kupljen i naručen iz Turske.

Također smo bogatiji za poseban aranžman mihraba, minbera i ćursa u kombinaciji sa policama za Kur'ane koje je od sebe uradio naš džematlija Hakija Saljunović.



M.H.

Džemat Halmstad: Džematsko druženje i predavanje

U subotu, 18.04.2015., gost džematske tribine kao predavač bio je Idriz ef. Karaman, glavni imam Islamske zajednice Bošnjaka u Švedskoj.

Nakon korisnih i lijepih savjeta koje je uputio glavni imam u svom predavanju, klanjan je akšam namaz u džematu. A poslije namaza, džematu se obratio i musafir iz Austrije, hadžija Izet Kastrat. Predstavnik organizacije El Kiram International, koja se bavi organizacijom hadža i umre.

Džematlije su imale priliku da se ukratko upoznaju kako djeluje ova organizacija i na koji način pružaju svoje usluge prilikom organizacije hadža i umre.



Džemat Norrköping: Predavač i gost u džematu

U srijedu, 22.04.2015., u našem džematu održano je druženje i predavanje. Ovoga puta naš gost bio je Almedin ef. Spahić, imam u džematu Halmstad, koji je ovom prilikom održao veoma lijepo i korisno predavanje.

Tema predavanja bila je: "Naše pripreme za doček mjeseca Ramazana." Poslije predavanja, u džematu je klanjan akšam namaz, nakon čega je uz kahvu uslijedilo i druženje.

hfz. Jusuf ef. Horzović



BOSANSKI KULTURNI CENTAR VÄSTRA GÖTALAND

Zajednička manifestacija obilježavanja
10-godišnjice BKC-a Trollhättan
24 05 folketspark kungsvägen 13:00

U DRŠTUU

Hafiza Sulejmana Bugarija



Džemat Borås 22-05 13:00 (Džumma) - Džemat Surte 22-05 19:30 - Džemat Göteborg 23-05 11:30 - Džemat Skövde 23-05 19:30

SEMINARI ZA ŽENE

Pozitivna psihologija – naši unutrašnji i vanjski krugovi

U organizaciji Bosanskog kulturnog centra Västra Götaland (BKC), od 3. do 6. aprila 2015. godine, u bošnjačkim džematima: Borås, Skövde, Surte i Göteborg, održani su seminari za žene. Gošća na ovim seminarima bila je uvažena profesorica Aida Tule, dipl. psiholog iz Sarajeva.

Bila su to interaktivna predavanja iz oblasti pozitivne psihologije, a "pozitivna psihologija" obuhvata univerzalne vrijednosti kao što su: mudrost, humanost, radinost, pravednost, umjerenost, poštivanje sebe i drugih, konstruktivno razmišljanje, upornost, velikodušnost, integritet, i slično, koje će ljude potaknuti da identificiraju i razvijaju pozitivne emocije, iskustva i karakterne crte, sve stanja koje povezujemo sa srećom.

Bošnjakinje ovih džemata su bile u nsvakidašnjoj prilici, družiti se i okoristiti znanjem i iskustvom profesorice Aida Tule. Inače, insan koji voli vjeru i koji žudi za znanjem iz vjere, često se družiti sa knjigama i predavačima, jer to su mu izvori. Znanje u vjeri i znanje o vjeri je nešto čemu težimo. Postoje ljudi koji vam ljepše prenesu znanje o vjeri, o životu, postoje ljudi koji vam za neke jasne stvari samo dodaju naočale i vi to jasnije ugledate. Profesorica Aida Tule je na jedan nesebičan, inspirirajući, interesantan i za prisutne džematlije jednostavan način, obrazlagala pojmove kao: lego – ego, nesobičnost – sebičnost, sreću – nesreću. Sve to sa islamskog aspekta.

Na vrlo zanimljiv, interaktivan način, Aida je između ostalog, ponudila razne definicije sreće, kako formalne, tako i neformalne, a govorilo se i o putevima koji vode ka sreći i zadovoljstvu, o ulozi dove na tom putu. Neki od pomenutih puteva do sreće su iskorištavanje vremena, izbjegavanje ljenosti i učmalosti, društveni angažman s ciljem popravljnja stanja u društvu, i generalno iskorištavanje potencijala s kojima nas je Uzvišeni obdario.

Koliko poruka nosi Kur'an Časni? A mi muslimani... mnogi ga još nisu ni pročitali, njegov prijevod, a kamoli proučavali. Naša sestra Aida nam je prenijela još mnogo poruka, koje i danas, tada prisutne sestre spominju. Nadamo se da ćemo imati opet priliku, inšaAllah, da se družimo sa Aidom Tule, a poruka ostaje nam svima: Kur'an u ruke, učimo ga, čitajmo njegov prijevod, proučavajmo ga, tražimo Božije poruke u našoj Svetoj Knjizi!

Nisu izostala ni pitanja džematliki tokom ovih korisnih i bogatih druženja, na koja je profesorica Aida Tule odgovarala sa velikom pažnjom, pridavajući važnost svakom od postavljenih pitanja.





Ne treba zaboraviti ni to da su sva ova druženja s dragom nam gošćom protekla u kvalitetnom razgovoru u pauzama, uz kolače i kahvu. Da Uzvišeni Allah dž.š. nagradi i sve žene i omladinke koje su uzele učešće na ovim seminarima, da Allah dž.š. nagradi posebno one koje su dale sve od sebe, pohizmetile, organizirale da atmosfera bude ugodna i korisna.

Uz želju da nam Aida ponovo dođe, prenosimo i jednu poučnu priču koju je Aida navela u jednom od predavanja:

Odluči nekakav car, zbog nekakvog važnog položaja na dvoru, testirati svoje dvorjane. Okruže ga moćni i mudri ljudi i car im reče: Imam nedoumicu i zanima me ko mi od vas može pomoći da je riješim. Potom ih odvede do ogromnih vrata i reče im: "Ovo su najveća i najteža vrata u mom carstvu" - objasni car. "Može li ih neko od vas otvoriti"?

Najveći dio prisutnih odmah počeo odmahivati glavom u nevjerici. Manji dio koje su dvorjani smatrali mudracima, počeo zagledati vrata izbliza, dodirivati ih i promišljati, ali na kraju svi priznaše da ih ne umiju otvoriti.

Međutim, iz mase iskorači jedan dvorjanin, priđe vratima, počeo ih zagledati, opipivati i gurati. Odjednom, povuče ih snažnim trzajem i vrata se otvoriše! Vrata su već bila odškrinuta, ali nisu bila zaključana. Za otvaranje već odškrinutih vrata bilo je potrebno samo samopouzdanje da se to uradi u prisustvu samog cara.

Car objavi: "Ti ćeš dobiti položaj na dvoru. Nisi se oslonio samo na ono što vidiš. Usudio si se pokušati ono što se u početku činilo nemogućim".

Tako je i u našim životima: mnoga vrata su već odškrinuta, ali se mi pribojavamo da ih do kraja otvorimo.

Viktor Igo je davno rekao: "Usuditi se, to je cijena napretka!"

Zinajda Batić

Broj potpisanih Pristupnica u džematima IZBUŠ			
	31-10-14	15-03-15	15-04-17
Malmö	1285	1326	1342
Stockholm	1013	1046	1071
Borås	659	667	672
Skövde	471	495	499
Göteborg	519	559	566
Gislaved	416	421	416
Norrköping	451	484	484
Helsingborg	373	387	387
Landskrona	340	357	365
Trollhättan	277	287	290
Växjö	286	279	279
Linköping	235	256	261
Halmstad	170	175	175
Trelleborg	183	217	223
Jönköping	207	223	232
Motala	132	134	135
Örebro	141	150	150
Surte	64	71	76
Västerås	30	32	34
Vetlanda	13	18	18
Värnamo	7	7	10
Varberg	13	13	13
Karlstad	0	6	13



HUTBA: “Peta islamska dužnost”



Hatib: hfz. Jusuf-ef. Horozović,
Norkköping

Neka je slava i zahvala Allahu Uzvišenom, Koji nam propisuje od propisa ono što je za nas najljepše. Salavat i selam donosimo na Allahovog poslanika i miljenika Muhammeda, s.a.v.s., njegovu časnu porodicu, plemenite ashabe i na sve one koji ih budu slijedili.

Islam je vjera koja se praktikuje i živi. Nije islam izgovor samo na jeziku. Da bi čovjek bio istinski vjernik on treba da primjenjuje ono što mu se naređuje a ostavlja ono što mu se zabranjuje u islamu. A naredbe i zabrane su na različitim stepenima. Pa, ukoliko čovjek izostavi neko djelo koje je poželjno izvršiti tada on nema grijeha, ali ako ga izvrši ima nagradu. Čak ukoliko se desi da izostavi neki od sunneta, pokuđeno je to djelo, a ako ga izvrši ima nagradu. Ali, ukoliko izostavi izvršiti ono što je naređeno tada ima grijeh, a ako ga izvrši ima veću nagradu nego kod izvršenja sunneta i onoga što je poželjno.

Međutim, ukoliko čovjek namjerno odbija izvršiti djelo koje predstavlja jedan od stubova vjere, a obavezan je, tada dovodi u opasnost opstojnost svoje vjere. Kaže Poslanik, s.a.v.s.: **„Islam je sagrađen na pet stvari: Svjedočenju da nema drugog boga osim Allaha i da je Muhammed Njegov poslanik, obavljanju namaza, davanju zekata, postu mjeseca Ramazana i obavljanju hadždža onome ko bude u mogućnosti“.**

Jedan od pet stubova vjere a koji je direktno povezan sa Objavom jeste hadždž. On se obavlja na mjestu na kojem su živjeli brojni Božiji poslanici. Iako nismo živjeli u njihovom vremenu, Kur'an spominje da je *Otac vjerovjesnika* Ibrahim, a.s., nas pozvao na hadž kada mu je Allah naredio: **“I pozovi ljude na hadždž“.** Pa kada Ibrahim, a.s., reče: *“Gospodaru, koga da pozovem kada nema nikoga u ovoj pustinji osim mene, ko će me čuti.“* Gospodar odgovara: *“O Ibrahime, na tebi je da obznaniš, pozoveš, a na Nama je da prenesemo.“* Pa je Allah, dž.š., svoje obećenje ispunio tako što je hadždž učinio jednim od pet glavnih stubova vjere i obligatnom obavezom svakom ko bude u mogućnosti.

Džabir, r.a, prenosi da je Allahov Poslanik, s.a.v.s., rekao: **„Doista je Kjaba jedan od stubova islama, pa ko izvrši hadž ili umru on zadobije garanciju kod Allaha: ako umre – uvede ga u džennet, a ako ga vrati njegovoj porodici – vrati ga sa nagradom i plijenom“!**

Abdullah ibn Omer, r.a, prenosi da je Vjerovjesnik, s.a.v.s., rekao: **„Borac na Allahovom putu, hadžija i onaj koji 'umru izvršava su Allahova delegacija: ako Ga zamole, On im se odazove, a ako šta od Njega zatraže, On im usliša“.**

Možemo često čuti različite komentare po pitanju ove temeljne obaveze u islamu, od onih koji kažu da nisu dovoljno spremni da idu na hadždž, tj. onih koji nisu odlučili ostaviti grijeha koje ne pristoje jednom hadžiji nakon obavljenog hadža, pa do onih koji hadždž i ne smatraju nekom obavezom i ne pridaju mu na značaju. Sličan izgovor je vezan i za post mjeseca Ramazana. Što znači, zašto se džaba truditi i pare trošiti uzalud ako će se ponovo nastaviti sa grijesima. Međutim, stvarnost je upravo suprotna. Ako namaz neće biti seabom ostavljanja grijeha, šta će onda drugo biti? Ako post mjeseca ramazana neće biti seabom ostavljanja grijeha, šta će onda biti? Ako nijet za obavljanje pete islamske dužnosti i gostovanje kod Gospodara neće biti seabom ostavljanja grijeha, šta će onda biti?

Pa tako, oni koji nisu planirali i razmišljali o obavljanju hadža u skorijoj budućnosti radi svojih grijeha treba da znaju da je upravo odvažnost, odluka i nijet za obavljanjem pete islamske dužnosti prvi korak za promjenu na bolje u njihovim životima.

Hasan b. Ali, r.a, prenosi da je *jedan čovjek došao Vjerovjesniku, s.a.v.s., i rekao mu: „Ja sam plašljiv i slab“! On mu je rekao: „Prihvati onda džihad koji bodlje nema. To je hadž“!*

Oni pak, koji ne pridaju na važnosti ovoj islamskoj obavezi treba da čuju riječi koje prenosi Alija, r.a., od Allahovog Poslanika, s.a.v.s., da je rekao: **“Onaj ko bude posjedovao opskrbu i jahalicu koja bi ga dovela do Kabe pa opet ne obavi hadž, neka izabere da umre ili kao jevrej ili kao kršćanin“.** Iako neizvršavanje obaveze hadždža ne izvodi iz islama, u spomenutom hadisu nalazimo upozorenje i spoznaju o kako važnom propisu i segmentu vjere se radi. Zato nije ni čudo što su se naši dobri preci Bošnjaci i pored izuzetne udaljenosti od Svetih mjesta, odlučivali na ovaj korak i put. Nisu imali raskošne kuće i vikendice u kojima su svoju porodicu ostavljali, niti su imali najsavremenija prevozna sredstva. A nisu imali ni mobilne, niti bilo koje druge uređaje koji su ih povezivali sa njihovim bližnjima u toku ovoga časnog putovanja. Ali jedno je sigurno, oni su imali ono što je najvažnije. Imali su iman i vjeru u Jednog Boga. Ostavljali su svojoj porodici osnovna sredstva za život, uzeli od imetka koliko im je potrebno, upregli su svoju jahalicu i pouzdali se u Allaha da će ih prevesti do mjesta sa kojeg ih je *Otac vjerovjesnika Ibrahim, a.s., pozvao.* Oni su čuli ovaj poziv i odazvali se, iako su putovali mjesecima. Da li ga mi čujemo braćo i šta on nama znači, iako je nama danas taj put najlakši dio izvršavanja ovog obreda.

Hvala Allahu, sve je više i više naših mlađih džematlija koji se odlučuju na ovaj korak i pokornost Allahu, što je stvar koja treba da raduje sve nas. Ali je na nama da ukažemo svima onima koji još nisu izvršili ovu obavezu da je sa prolaskom čovjekove mladosti vremena sve manje i manje a obavljanje ove dužnosti je sve teže i teže.

Zašto su naši preci koji su mjesecima putovali radi izvršenja ove velike islamske dužnosti bili tako odvažni, ne bojeći se nestanka nafake ulažući i sav svoj imetak, možda najbolje govore riječi Allahovog Poslanika, s.a.v.s. koje prenosi Abdullah b. Mes'ud, r.a.: **„Opravljajte hadž i umru, jer vam oni odstranjuju siromaštvo i grijeh, kao što kovački miješ odstranjuje u kovačnici trosku rude željeza, zlata i srebra. Za hadždž primljen kod Allaha nema druge nagrade osim dženneta“.** Džabir b. Abdillah, r.a, kaže da je Allahov Poslanik, s.a.v.s., rekao: **„Hadžija nikada neće osiromašiti“.** A zar može osiromašiti onaj ko je gost kod Allaha Uzvišenog, Onoga čije su riznice svega. Sigurno ne može, samo može biti na dobitku.

Molimo Allaha Uzvišenog da nam pomogne da izvršavamo ove obaveze i da nas obaspe svojim bogatstvom. Amin!

.....

Pitanje:

Kada je muž dužan isplatiti ženi mehr da li na početku braka ili tokom razvoda ako ga on da?

Odgovor:

To je stvar njihovog međusobnog dogovora. Ako se nisu ranije dogovorili o tome, postupa se po običaju. Ako se ne isplati u početku braka, onda je obaveza isplatiti ga ako dođe do razvoda ili u slučaju smrti muža. U svakom slučaju, to je obaveza koja se mora izvršiti osim ako žena oprost taj dug.

PITANJA I ODGOVORI

Prof. dr. Enes Ljevaković,
fetva-i-emin



Pitanja možete slati na mail:

pitanja@rijaset.ba

BOSNIAKISKA ISLAMISKA FÖRSAMLINGEN

Džemat Halmstad organizuje

PROGRAM POVODOM MUBAREK NOĆI LEJLETU-L-MPRADŽA I ZAVRŠETKA MEKTEBSKE GODINE

I DIO

Mevlud i ilahije

hor "Zem-zem" džemat Halmstad

Predavanje o mubarek noći

Almedin ef. Spahić

Podjela diploma za djecu iz mekteba

II DIO

Program zabavnog karaktera u organizaciji bosanskih klubova "Aktiviteter centar" i "Sedef".

Prvi nastup novoosnovanog dječijeg folklor iz Halmstada

Bošnjачko narodno sijelo i druženje



Dobro došli!

16.05.2015. g. (subota)

18:00h

Medborgarservice

Andersbergs centrum



Mevcer Kur'ana

"Ova Knjiga (Kur'an) koju ti objavljujemo blagoslovljena je Knjiga da bi oni razmišljali o njenim ajetima i da bi razumni uzeli pouku." (Sura Sad, 29.)

Islamska zajednica Bošnjaka u Švedskoj
Džemat Helsingborg
Organizuje

Program će izvesti nekoliko imama islamske zajednice Bošnjaka u Švedskoj na čelu sa glavnim imamom Idriz ef. Karamanom
Poseban gost programa i predavač je:
Hafiz KENAN MUSIĆ, dr. islamskih nauka i profesor na Fakultetu islamskih nauka u Sarajevu
Subota, 16. maj 2015. godine u 18 sati
Adresa: Bjäregatan 10 (prostorije džemata Helsingborg)

Kada je jedna osoba bolesna i kada se nađe u bolnici:

- može biti pogođena žalošću.
- može se osjećati uznemireno.
- može se osjećati usamljeno i napušteno.
- može se osjećati bespomoćno.
- može imati poteškoća da svoja osjećanja iskaže svojim najbližim i osoblju u bolnici.

U takvoj situaciji javljaju se slijedeća pitanja:

- Imaju li se sa kim podijeliti ova osjećanja?
- Ima li neko ko će razumjeti moju tugu i bol?
- Ima li neko ko ima sabura da me sluša?
- Ima li neko da samnom popriča?

Bolesnici muslimani koji žele da ih posjeti imam imaju slijedeće mogućnosti:

- Da ih posjeti imam koji govori njihov maternji jezik;
- Da ih posjeti imam koji pripada njihovoj kulturi i tradiciji

KÄNNER DU TILL
DEN ANDLIGA VÅRDEN
PÅ SJUKHUS FÖR
MUSLIMER?

MUSLIMSKSJUKHUSKOORDINATOR.SE